

Til minnis

Priðjudagar

Borgarmálafundir á Laugavegi 17, kl. 17.15.

Miðvikudagar

Upplýsingahópur hittist kl. 15.00 á Laugavegi 17.
Áróðurshópur hittist kl. 20.00 á Laugavegi 17.

Fimmtudagar

Framkvæmdaráðsfundir kl. 17.15 á Laugavegi 17.

27. ágúst - 7. september

Fundarferð Kvennalistans.

1. - 2. september

Kvennalistaráðstefna á Þingeyri.

4. september

Félagsfundur Reykjanesanga á Suðurnesjum.

2. - 4. nóvember

Landsfundur Kvennalistans.

Fylgist með auglýsingum um fundartíma launa
málahóps, EB-hóps og umhverfishóps.



FRÉTTABRÉF

júlí - ágúst 1990

Kristín Jónsdóttir
Molba 28
110 REYKJAVÍK

7. - 8. tbl. 1990 8. árgangur
Útg. Kvænnalistinn, Laugavegi 17,
s. 91 -13725. Áb. Sigrún Jónsdóttir

Fundaferð um landið

Kvennalistakonur í baráttuhug

Þá er komið að því að kvennalistakonur fari í sína árlegu fundaferð, heimsæki vinnustaði og sái kvennistafræjum út um landið. Þar verða á ferðinni kvennalistakonur úr kjördæmunum auk þingkvenna.


Fundaferðin hefst mánudaginn 27. ágúst og lýkur 7. september. Gert er ráð fyrir að okkar konur heimsæki vinnustaði og síðan verði opnir fundir á kvöldin. Dagskrá fundaferðarinnar liggur ekki endanlega fyrir en dagana 27. - 31. ágúst verður farið á Norðurland eystra, Norðurland vestra og Austurland. Á Norðurlandi eystra fara okkur konur trúlega á Húsavík, Akureyri og Dalvík auk þess sem líklegt er að Norður-Þingeyjarsýsla verði einnig heimsótt. Á Norðurlandi vestra verður dagskráin sem hér segir; 27. ágúst Hvammstangi, 28. ágúst Skagaströnd og Blönduós, opinn fundur á Blönduósi, 29. ágúst Sauðárkrókur þar verður opinn fundur um kvöldið og 30. ágúst Hofsós og Siglufjörður, opinn fundur um kvöldið á Siglufjörði. Á Austurlandi fara okkar konur líklega á Höfn, Seyðisfjörð, Neskaupstað, Vopnafjörð og Egilsstaði.

Helgina 1. - 2. september verður kvennalistaráðstefna á Þingeyri. Þar verður m.a. fjallað um stefnumál Kvennalistans, orku- og umhverfismál og einnig mun Kristín Ástgeirs dóttir fjalla um stöðu kvenfrelsisbaráttunnar. Við hvetjum að sjálfsögðu allar kvennalistakonur að sækja þessa ráðstefnu ef þær eiga þess nokkurn kost.

Frá 3. til 7. september verður farið á Vesturland og Suðurland. Vesturlandskonur eru búnar að gagna frá dagskrá fundaferðarinnar í kjördæminu og verður hún sem hér segir; 3. september Stykkishólmur, 4. september Grundarfjörður þar verða kvennalistakonur í Ásakaffi um kvöldið, 5. september Ólafsvík, Hellissandur og Rif, á Rifi verða kvennalistakonur í Virkinu milli kl. 16.00 - 18.00, 6. september Borgarnes, kl. 17.00 - 19.00 félagsfundur og síðan opinn fundur um kvöldið, 7. september Akranes, opið hús á skrifstofu Kvennalistans á Akranesi, Kirkjubraut 11 frá kl. 20.30. Á kvöldfundunum í Borgarnesi og á Akranesi mun Kristín Halldórsdóttir flytja ræðu. Á Suðurlandi fara kvennalista-konur að öllum líkindum til Víkur, á Hellu og Hvolsvöll og Selfoss. Einnig er gert ráð fyrir að uppsveitir Árnæssýslu verði heimsóttar.

Dagskrá ferðarinnar verður kynnt nánar í fjölmölum. Fylgist því með og sláist í hópinn, því fleiri því betra og síðast en ekki síst því skemmtilegra.

Ef þú hefur tök á því að taka þátt í fundarferðinni hafðu þá endilega samband við starfskonu þingfloks Kvennalistans í s. 91-11560.



Vera

TÍMARIT UM KONUR OG KVENFRELSI

Vertu með og lestu Veru

**Nú er hægt að fá Veru frá
upphafi fyrir aðeins 2500.-
krónur alls 42 tölublöð**

**Síminn hjá Veru er
91 - 22188.**

Móttökunefnd fyrir Nelson Mandela

Kvennalistanum barst nýlega bréf frá Suður Afríkusamtökunum gegn apartheid þar sem óskað er eftir þátttöku okkar í undirbúningsnefnd vegna mögulegrar heimsóknar Nelson Mandela, varaforseta Afríksa þjóðar- ráðsins hingað til lands í haust.

Í bréfi samtakanna segir m.a. "Baráttan í Suður-Afríku sækji fram og magnast með hverjum degi sem líður undir forystu Nelson Mandela og Afríksa þjóðarráðsins. Á hinum mörgu fjöldafundum sem haldnir eru þar er þess krafist að kerfi hinna svonefndu heimalanda verði afnumið, að sett verði á laggirnar stjórlagajing sem ekki mismuni fólkis eftir litarhætti, að allir

hafi atkvæðisrétt, hafi jafnan aðgang að skólakerfinu, heilsugæslukerfinu og öðrum félagslegum stofnunum."

Í lok ágúst mun koma hingað Tim Maseko, fulltrúi Afríksa þjóðarráðsins hingað til lands frá Danmörku. Eitt helsta erindi hans hans verður að ræða mögulega heimsókn Mandela.

Óskað var eftir fulltrúa Kvennalistans í undirbúningsnefnd vegna þessa máls og hefur Hólmfríður Garðarsdóttir tekið það að sér. Ekki hefur verið haldinn fundur í nefndinni ennþá, en við munum væntanlega fá að fylgjast með gangi mála hjá henni.

SJ



Vorþing Kvennalistans:

Mikill hugur í konum að efla starf Kvennalistans

Vorþingið okkar var að þessu sinni haldið í Garðalundi í Garðabæ. Þátttaka var með ágætum og umræður líflegar. Að þinginu loknu sendum við frá okkur eftirfarandi fréttatilkynningu:

"Kvennalistakonur víðs vegar af landinu háðu vorþing sitt í Garðalundi, Garðabæ helgina 22. - 24. júní sl.

Par var m.a. fjallað um síðustu sveitarstjórmarkosningar og mögulegar orsakir þess, að Kvennalistinn fékk minna fylgi í þeim en vonir stóðu til, bæði á sérlistum og í framboði með öðrum. Staða Kvennalistans var rædd í ljósi þeirrar reynslu og hugsanlegar breytingar í áherslum og vinnubrögðum.

Úrslit kosninganna hafa ýtt við mörgum, og er mikill hugur í konum að efla starf Kvennalistans. Svo virðist sem í hugum margra sé nýjabrumið farið af Kvennalistanum, einkum þar sem önnur stjórnálafl hafa tileinkað sé ýmislegt úr málflutningi kvennalistakvenna. Því

er nauðsynlegt að koma sérstöðu Kvennalistans betur til skila, skerpa línumar og efla tengslin út á við.

Kvennalistakonur á vorþingi voru á einu máli um það, að Kvennalistans væri þörf aldrei sem fyrr, hann hefði gefið hundruðum og þúsundum kvenna nýja von, ekki bara hérlendis, heldur einnig víða um heim. Ótvíræður árangur af starfi Kvennalistans er sívaxandi þátttaka kvenna á flestum sviðum þjóðlífssins. Aðstæður kvenna hafa hins vegar lítið batnað og allra síst í kjaramálum. Brýnt er því að herða róðurinn og voru konur einhuga um, að launamálin væru sá málaflokkur, sem áfram þyrfti að leggja megináherslu á.

Myndaðir voru málefnahópar um launamálin, um atvinnustefnu, umhverfismál og EB með sérstöku tilliti til þess, hvaða áhrif þróunin í Evrópu hefur á hagi kvenna. Þessir málaflokkar verða forgangsverkefni í endurskoðun

stefnuskrár Kvennalistans, en sú endurskoðun verður meginverkefnið fram að landsfundí, sem haldinn verður í Eyjafirði í nóvember.

Reiknað er með framboði Kvennalistans í öllum kjördæmum landsins í næstu alþingiskosningum og var vorþingið fyrsta skrefið í undirbúningi

undir þær kosningar."

Pær kvennalistakonur sem hafa áhuga á að fá fundargerð vorþingsins geta haft samband við starfskonu pingflokk í s. 91 - 11560.

Hér á eftir fara greinargerðir hópanna sem voru myndaðir á vorþinginu.

Áróðurshópur

Bæklingur undirbúinn

Áróðurshópurinn sem stofnaður var á vorþingi Kvennalistans hefur á að skipa 10 konum, þær eru: Ína Gissurardóttir, Edda Magnúsdóttir, Guðbjörg Þorvarðardóttir, Sigurborg Daðadóttir, Gerla, Rannveig Löve, Fríða Andersen, Sigríður Björnsdóttir, Hólmfríður Árnadóttir og María Þorsteinsdóttir.

Hópurinn hefur hist fimm sinnum og ýmislegt borið á góma, einkanlega þó ásýnd eða ímynd Kvennalistans, hvernig við getum gert okkur betur sýnilegar og hvernig við getum náð til fleiri kvenna, yngri kvenna, eldri kvenna, annarra kvenna - jafnvel karla. Sterkar raddir innan hópsins vilja meiri ákveðni í baráttuna, minni hógværð - meiri bíræfni, jafnvel frekju.

Fundir hópsins hafa einkennst af mikilli bjartsýni, t.d. höfum við rætt möguleika á bátsferð kringum landið í áróðurskini, möguleika á að ná til ungra illa launaðra stulkna í gegnum verkalýðsfelög og hvernig best verði staðið með konum sem eru órétti beittar á vinnustað. Ekkert áþreifanlegt hefur hins vegar komið frá hópnum enn, - en það stendur til bóta. Þingkonurnar okkar fara í fundaherferð um landið í lok ágúst og ætlar áróðurshópurinn að sjá um útgáfu áróðursbæklings fyrir þá hrinu. Það hefur ekki verið gengið nákvæmlega frá efni bæklingsins, en þó má nefna að launamálahópur hefur tekið saman staðreyndir sem nýst gætu í hann. Við viljum hvetja konur til að hafa sam-

Framkvæmdaneftendir anganna

Vesturland

Í framkvæmdaneftnd Vesturlandsanga eru nú þær: Halla Þorsteinsdóttir, Snjólaug Guðmundsdóttir, Sigrún Sigurðardóttir, Póra Kristín Magnúsdóttir, Guðrún Guðlaugsdóttir og Svava S. Guðmundsdóttir.

Reykjanes

Í framkvæmdaneftnd Reykjanesanga eru þær: Ella Kristín Karlsdóttir, Kristín Halldórsdóttir, Guðrún Sæmundsdóttir og Þórunn Friðriksdóttir.

Egilsstaðaangi

Það eru aðeins tvær konur í framkvæmdaneftnd Egilsstaðanga um þessar mmdir, enda konur rétt að koma heim úr sumarfrí. Þær sem eru vakt núna eru þær Arnljót Eysteinsdóttir og Guðbjörg Gunnarsdóttir.

Reykjavíkurangi

Framkvæmdaneftnd Reykjavíkuranga skipa nú: Magdalena Schram, Sigríður Lilly Baldursdóttir, Sigríður Björnsdóttir, Margrét Ívars dóttir, Kristín Jónsdóttir og Sigrún Sigurðardóttir.

Norðurland vestra

Kvennalistakonur á Norðurlandi vestra tóku sér gott sumarfrí í sumar en eru nú að hefjast handa að nýju. Nú eru þær Steinunn Erla Friðþófsdóttir og Margrét Gunnarsdóttir á Sauðárkróki í framkvæmdaneftnd angans, en væntanlega munu fleiri bætast í hópinn innan skamms.

Norðurland eystra

Í framkvæmdaneftnd Norðurlandsanga eystra eru nú þær Valgerður Magnúsdóttir, Elín Antonsdóttir og Stefanía Arnórssdóttir. Að eigin sögn eru þær Akureyrarkonur glaðbeittar og vel hvíldar eftir sumarið.

Til Reykjavíkurkvenna

Samkvæmt síðustu talningu hafa aðeins rúmlega 30 konur í Reykjavík svarað kalli Reykjavíkuranga um að leggja sitt af mörkum til að greiða niður kosningaskuldir angans.

Kæru konur, finnið nú gíróseðlana og greiðið þá sem fyrst þannig að við getum hjálpast að við að losa okkur við skuldirnar áður en við förum að leggja upp í næstu kosningabaráttu.

Framkvæmdanefnd

KVENNALISTAKONUR

TAKIÐ EFTIR !

HAUSTLÍNAN ER KOMIN


Nærfatnaður - háskólabolir, stuttermá bolir og margt fleira spennandi.

Komið á Laugveg 17 og fáið ykkur nýju línuna !

Sendum í póstkröfу.

band við starfskonu Kvl. viti þær um að brotið sé á konum á vinnustað. Okkur er líka alveg ósárt um töluna 10 - svo að ef einhverjar vilja ganga til liðs við hópin er ánægjan okkar. Áróðurshópurinn hittist á miðvikudögum kl. 20.00 á Laugavegi 17.

Sigga Björns.



Atvinnumálahópur:

Ísland á að vera matvælaframleiðandi

Í atvinnumálahópnum eru Þórunn Ísfeld, Steinunn Erla Friðþjófsdóttir, Guðrún Halldórsd., Málmfríður Sigurðardóttir, Ingibjörg Hafstað, Steinunn Ingólfssdóttir og Elísabet Þorgeirs-dóttir.

Hópurinn hefur hist einu sinni og rætt var um hvernig starf hópsins skyldi fara fram og hvernig hinir ýmsu þættir atvinnulífsins yrðu skoðaðir, bæði með hliðsjón af heildarþörfum þjóðarinnar og þörfum kvenna. Aðallega var fjallað um landbúnaðar- og iðnaðarmál og nýjar leiðir til nýtingar á því hráefni

sem fyrirfinnst í landinu og hvernig koma megi í veg fyrir þau tregðulögjmál og hagsmuni sem virðast alltof oft standa í vegi fyrir nýsköpun. Það er sannfæring hópsins að Ísland eigi fyrst og fremst að vera matvælaframleiðsluland og að möguleikarnir séu nánast ótæmandi. Helsti auður okkar er hið lítt mengaða land sem við eignum.

Ákveðið var að safna gögnum fyrir næsta fund sem haldinn verður mánu-daginn 20. ágúst kl. 20.30 á Laugavegi 17. Fyrirsjánleg er mjög mikil en

áhugaverð vinna og væru fleiri vel þegnar í hópinn.

Opnaður hefur verið hugmyndabanki sem hægt er að leggja inn á hvenær sem er í síma 13725 annað hvort í beinu sambandi við starfskonu

eða í símsvara. Ef sambærilegir hópar eru starfandi annnars staðar eru þeir beðnir um að láta vita af sér því náið samstarf er æskilegt. Þess má geta að fundarkonur skemmtu sér hið besta á fyrsta fundi hópsins.

GH, MS, IH og PÍ

Launamálahópur:

Eiga konur að segja sig úr verkalyðsfélögum og stofna eigin hreyfingu ?

Á vorþingi Kvennalistans kom fram skýr krafa um að tekið yrði til hendinni í launamálum kvenna. Var á þinginu myndaður vísir að launamálahópi Kvennalistans er setti sér það markmið að finna leiðir að betri kjörum kvenna.

Fyrsta skrefið var að afla sér upplýsinga um okkar verkalyðsfélög sem eru VR, SÍB og FSV fá launataxta og vitnesku um hvernig félögini eru uppbyggða, fjölda kvenna í nefndum og ráðum, auk þess ef til væru gögn um viðhorf til vinnunnar, vinnutíma og samanburðar á launum fyrir og nú. Þetta gerðum við auk þess sendum við þeim konum er voru á skrá hjá Kvennalist-

anum yfir áhugasamar konur um launamál, bréf og báðum um liðstyrk sem hefur ekki skilað sér sem skildi.

Við léturnum það reyndar ekkert á okkur fá heldur ákváðum fund 31. júlí á Laugavegi 17 kl. 20.30 og settum skjá-auglýsingu undir yfirskriftinni "Hvað er til ráða í kjarabaráttu kvenna ?"

Skemmst er frá að segja að engin kom nema þessar fjórar sem eru í hópnum frá Reykjavíkursvæðinu.

Skiptumst við á upplýsingum og ræddum stöðuna vítt og breitt, ákváðum svo annan fund 7. ágúst á sama tíma og stað, var sá fundur auglýstur í DV og komu nokkrar nýjar konur á þann fund.

Stefna mótuð fyrir næsta kjörtímabil

Það þarf ekki að minna kvennalista-konur á að kosningar eru á næsta leiti. Um nokkurra vikna skeið hafa hópar verið starfandi að ýmsum málum innan Kvennalistans. Einn þeirra fjallar um endurskoðun stefnuskráinnar fyrir kosningarnar á næsta ári. Bréf hefur verið sent út í angana með ýmsum spurningum um það hverju konur vilji bæta við "gómlu" stefnuna, hverju þurfi að bæta við af nýjum málum o.s.frv. Það er t.d. ljóst að kaflann um utanríkismál þarf að endurskrifa vegna þeirra miklu breytinga sem átt hafa sér stað í heiminum undanfarið ár. Þá þarf að bæta í þann kafla efni um afstöðu okkar til Efnahagsbandalagsins.

Hugmynd okkar sem erum í hópnum er að breyta stefnuskránni sem minnst, en taka út og bæta inn í þar sem þess er brýn þörf. Það breytir ekki því að við þurfum að ræða mörg mál og taka afstöðu, einkum má nefna efnahagsmál og launamál sem brýnt er að móta ferska stefnu í. Þá eru stórir málaflokkar eins og landbúnaðarmál og

sjávarútvegurinn sem þarfust endurskoðunar, að ekki sé talað um atvinnumál kvenna í dreifbýli og þéttbýli. Við erum byrjaðar að safna saman efni, t.d. sendum við spurningalistu til Upplysingaþjónustu landbúnaðarins og höfum þegar fengið svör. Svipaða lista þarf að senda á ýmsa staði.

Drög að stefnuskrá verða að vera tilbúin fyrir landsfund. Því er mikilvægt að allar konur sem hafa hugmyndir komi þeim á framfæri, svo og að hópar og angar ræði stefnumál. Á hvað viljum við leggja mesta áherslu í næsta kosningabaráttu og á næsta kjörtíma-bili? Brettið upp ermar, hugsið mikið og frjótt og komið hugmyndum ykkar á framfæri við stefnuskrárhópinn, helst fyrir 15. september. Í fyllingu tímans verður svo alls herjar umræða um stefnuskrána og síðan hefst slagurinn.

f.h. stefnuskrárhóps
Kristín Ásgeirsd.
s. 91-23687

Ráðstefnur erlendis

Kvennalistanum hafa að undanförmuborist kynningarbréf vegna nokkurra ráðstefna á erlendri grundu á næstu mánuðum. Það er ekki um það að ræða að kostnaður verði greiddur, heldur verða þáttakendur að greiða allan kostnað. Það er hins vegar sjálfsögð og eðlileg vinnureglu að kynna ráðstefnunar í fréttabréfinu sem við gerum hér með. Nánari upplýsingar um þessar ráðstefnur má fá hjá starfskonu Kvennalistans Laugavegi 17, s. 91-13725.

Glasgow 8. - 12. nóvember

Fimmta alþjóðlega ráðstefna samtaka sveitarstjórna um kjarnorkulaus svæði verður haldin í Glasgow, Skotlandi 8. - 12. nóvember.

Meginumræðuefnin verða; Áhrif kjarnorkuvopnaáætlana á veröld okkar, alþjóðleg samskipti og þróun og sveitarstjórnir... eftir kalda stríðið.

Osló 12. - 14. nóvember

Konur, umhverfi og þróun er yfirskrift norrænnar kvennarannsóknar ráðstefnu sem verður haldin í Oslo dagana 12. - 14. nóvember. Megin-


markmið ráðstefnunnar er að afla frekari upplýsinga um áhugamál kvenna í rannsóknum á umhverfi og þróun. Fjallað verður um spurninguna Hvaða þýðingu hefur þróun fyrir konur og hvaða samband er á milli öflugrar þróunar og efnahagsvaxtar? Þátttökutilkynningar vegna ráðstefnunnar þurfa að berast fyrir 24. ágúst.

Haag 28. - 29. september

Samtök er nefna sig "Groen Links" boða til ráðstefnu í Haag í Hollandi dagana 28. - 29. september nk. um efnið "Sameiginlegt öryggi 2000". Þar verður m.a. fjallað um skýrslu Palme nefndarinnar frá 1982 þar sem komu fram ýmsar tillögur um afvopnun og breytta skipan efnahagsmála í heiminum.

Eins og fyrr segir þá hefur starfskona Kvennalistans á Laugavegi 17 nánari upplýsingar um ofangreindar ráðstefnur.

SJ



Par urðu líflegar umræður um kaup og kjör kvenna á vinnumarkaðnum. Einnig ræddum við um lagasetningu ríkisstjórnarinnar á samninga BHMR og vorum við sammála um að framkoma ríkisstjórnarinnar væri algert hneyksli. Allt launafólk í landinu ætti að standa saman gegn aðgerðum sem þessum, það er í raun búið að svipta verkalyðshreyfinguna samningsréttinum. En hin brennandi spurning er hvað getum við konur gert til að bæta kjör okkar? Eigum við kannski að stofna okkar eigin verkalyðshreyfingu og hætta að láta strákana skammta okkur úr hnefa eða að reyna að berja í brestina? Skoðun flestra í okkar hópi er að verkalyðsforystan í dag sé vita gagnslaus, þeir

tala fallega í samningalotum og semja síðan um lúsalauð og þá sérstaklega til handa konum. Það er nóg til af könnunum til að staðfesta þetta.

Það eru næg verkefni framundan, Komdu því og vertu með í að leggja grunninn að nýrri launaveröld kvenna.

Næsti fundur hópsins verður 28. ágúst á Laugavegi 17, kl. 20.30.

Þær sem hafa mætt á fundi launamálahópsins eru; Sigrún Jónsd., Sigurbjörg Ásgeirsds., Lilja Eyþórsd., Pórunn Ísfeld, Björg Hauksd., Hólmfríður Árnad., Póranna Pálsd. og Arndís Hauksd.

Sigurbjörg Ásgeirsds.

EB - hópur: Tíminn nýttur til lesturs


Starfshópur um Efnahagsbandalagið var settur á laggirnar á vorþingi Kvennalistans. Af landfræðilegum ástæðum, en í hópnum eru konur frá Reykjavík og Akureyri, ákvað hópurinn strax í upphafi að nýta tímann í sumar fremur til lesturs en fundahalda. Sameiginlegt lesefni allra voru bæklingar-

nir "Ísland og Evrópa" sem gefnir eru út af nefnd um stefnu Íslendinga gagnvart Evrópubandalaginu.

Þegar þetta er skrifað stendur fyrir dyrum að byrja sérhæfingu í starfshópnum þ.e. við ætlum hver og ein að taka fyrir eitt málasvið sem varðar Efnahagsbandalagið og kynna okkur

það sérstaklega. Síðan verður sú þekking lögð í píkk og þá er orðin grundvöllur fyrir því að taka vel í grundaða afstöðu til EB. Enn erum við þó ekki mjög langt á veg komnar og öll aðstoð er vel þegin. Ef þú hefur áhuga þá getur þú haft samband við Ingibjörgu Sólrunu í Reykjavík í síma 91-24089 eða Gunnhildi Bragadóttur á Akureyri í síma 96 - 22054.

Solla



Umhverfismálahópur

Brýn verkefni framundan

Umhverfismálahópur hefur hist einu sinni síðan á vorþinginu. Á þann fund mættu Kristín Halldórsdóttir, Bryndís Brandsdóttir og Guðrún Ólafsdóttir, en auk þeirra eru í hópnum Ella Kristín Karlsdóttir, Elín Ólafsdóttir og Póranna Pálsdóttir. Fleiri konur eru að sjálfsögðu velkomnar í hópinn.

Á fyrsta fundi hópsins var fjallað vítt og breitt um umhverfismál og fannst fundarkonum mikilvægt að einbeita sér að tveim verkefnum.

Annars vegar að kortleggja það sem brýnt er að gera í þessum málauflokkini nú þegar og hins vegar að móta langtímas-tefnu.

Hópurinn mun hittast aftur í byrjun september og verður fundartími auglýstur nánar í dagblöðum og sjónvarpi.

Ályktun frá Kvennalistanum: Vinnubrögð ríkisstjórnarinnar gagnvart launafólki eru forkastanleg

Kvennalistinn sendi frá sér eftirfarandi ályktun í kjölfar setningu bráðabirgðalaga ríkisstjórnarinnar um launamál.

“Kvennalistakonur átelja harðlega, að enn einu sinni skuli íslensk ríkisstjórn setja bráðabirgðalög á launafólk. Þannig er jafnt og þétt grafið undan lýðræði og mannréttindum í þjóðfélaginu.

Núverandi ríkisstjórn hóf feril sinn með því að framlengja bann á kjaramettingu, sem var meginástæða þess, að Kvennalistinn hafnaði aðild að henni.

Ríkisstjórnin setur nú lög á eigin samninga og beitir valdi sínu þannig til að hnekkja dómi Félagsdóms. Nú eru það samtök háskólamanna, sem beitt eru lögþvingunum til þess að sveigja þau undir vilja stjórnvalda. Hverjur verða næstir?

Í raun felst í nýsettum bráðabirgðalögum afnám réttar alls launafólks til

þess að semja um laun sín, því ríkisstjórnin hefur sýnt, að hún er tilbúin til lögþvingunar á hvað sem er, jafnvel þvert á uppkveðna dóma.

Páttur forystumanna ASÍ og BSRB vekur furðu, þar sem þeir hafa tekið undir þann áróður, að laun almenns launafólks séu meginvaldur verðbólgu, og berjast nú jafnvel harðar gegn öðru launafólk en atvinnurekendum.

Þetta eru alvarleg tíðindi fyrir almenning í landinu. Á hvaða leið er samfélag, þar sem stjórnvöld, atvinnurekendur og stærstu samtök launafólks sameinast um að svípta hluta launafólks samningsrétti? Hvernig er lýðrædinu hártað, þar sem stjórnvöld óvirða mannréttindi og dólmstóla?

Vinnubrögð ríkisstjórnarinnar eru forkastanleg og bera vott um siðblindu. Ríkisstjórn, sem setur lög á eigin gerðir, er ekki hæf til að stjórn landinu, og á að segja af sér.

Reykjavík 3. ágúst 1990”

Reiðu ömmurnar

"Skemmtilegur hópur elskandi amma sem flytur alvarleg tíðindi um hættunar sem ógna hnettum okkar. Með söng og skemmtipáttum vekja þær okkur til vitundar um málefni sem tengjast friði og afvopnun, umhverfi og félagslegu réttlæti." Þetta er í stuttu máli kynning á ömmusamtökum sem eru starfandi í Vancouver í Kanada.

Í blaðagrein sem var skrifuð um þær í september í fyrra segir m.a. að þær séu syngjandi mótmælendur, þær hafa tekið þátt í mótmælagögum og ýmis konar aðgerðum. Einnig er bent á greininni að þess sé yfirleitt vænst af öllum að þær séu blíðar og góðar baki kökur og fleira í þeim dúr. Nú sé hins vegar kominn fram á sjónarsviðið hópur amma sem hafi staðið upp úr ruggustólunum og taki þátt í alls kyns líflegum uppákomum.

Þær sendu okkur kynningarbæklinga, sönglagatexta og kassettu með efni sínu. Ef þú hefur áhuga á að fá nánari upplýsingar um Reiðu ömmurnar þá eru upplýsingar hjá starfskonu Kvennalistans, Laugavegi 17, eða þú getur skrifáð þeim, heimilisfangið er: Vancouver Raging Grannies, P.O. Box 91021, West Vancouver, B.C. V7V 3N3.



Upplýsingahópur:

Upplýsingarit í vinnslu

Upplýsingahópur sá sem hóf göngu sína á vorþinginu hefur starfað ötullega allar götur síðan. Við settum strax upp fastan fundartíma og stað, þ.e. miðvikudagar klukkan 15 að Laugavegi 17. Starfið hefur hingað til einkum falist í gagnasöfnun. Við höfum sett upp nokra málaflokka og raðað eigin gögnum og annarra undir þá. Við höfum einnig haft samband við aðrar kvennalistakonur sem við vitum að búa yfir sérstakri þekkingu á ákveðnum sviðum sem við hyggjumst taka fyrir og beðið þær um upplýsingar og ritstúfa. Við sem höfum starfað í hópnum erum nú að skipta nánar með okkur verkum og munum gera uppkast að ákveðnum afmörkuðum köflum sem munu birtast í vœtanlegu upplýsingariti. Á fundi hópsins 8. ágúst sl. var ákveðið að handriti að hinum ýmsu köflum ætti að skila þann 12. september nk.

Þær sem hafa sótt fundi upplýsingahópsins reglulega eru Anna Ólafsdóttir Björnsson, Guðrún Agnarsdóttir, Hulda Ólafsdóttir, Ragnhildur Vigfúsdóttir og

Sigríður Stefánsdóttir.

Auk þess að vinna mikið og gott starf erum við virkilega skemmtilegur hópur eins og kvennalistakonur eru og ef konur langar að koma með hugmyndir, fylgjast með eða slást í hópinn er bara að koma á miðvikudögum klukkan 15 á Laugavegi 17.

Að lokum vil ég benda viðkvæmum sálum á að athugasemd sem skráð er á upplýsingatöfluna á Laugaveginum um að við hittumst þar eða á næsta bar er algjörlega úr lausu lofti gripin, enda eru áfengir drykkir ekki bornir fram á veitingahúsum í Reykjavík á fundartínum okkar.

Kveðjur

Sigga Stefáns.



Alþjóðleg kvennaráðstefna á Íslandi í júní 1991 ?

Eins og lesendum fréttabréfsins er eflaust kunnugt þá kvíknaði hugmynd um að halda alþjóðlega kvennaráðstefnu á Íslandi í júní á næsta ári þegar Betty Friedan kom hingað til lands í sumar. Betty kom í boði Kvenréttindafélagsins ásamt hópi bandarískra kvenna sem unnið hafa lengi í kvennabaráttu. Nokkurs misskilnings gætti í fyrstu í fréttalutningi af hugsanlegri ráðstefnu, þ.e. Betty talaði strax um að Kvennalistinn yrði einn af þeim aðilum sem myndu boða til ráðstefnunnar, en þess var ekki getið í fyrstu fréttum af hugmyndinni. Okkur tókst þó að fá þetta leiðrétt og Betty kom sjálf í heimsókn til okkar á vorþingið, sem stóð yfir í Garðabæ, vegna þessa máls. Síðan hefur hópur kvenna úr öllum stjórmálaflokkum hist og rætt hvort, hvenær og hvernig best yrði staðið að ráðstefnu sem þessari. Betty og bandarísku konurnar sögðust mundu afla fjár í Bandaríkjunum vegna ráðstefnunnar auk þess sem líklegt er afla megi fjárhagslegs stuðnings hjá stjórnvöldum á Íslandi.

Markmið ráðstefnunnar verður að ræða nýja sýn, sýn kvenna í breyttum heimi og þær áherslur sem konur vilja leggja við nauðsynlega uppstokkun og endurbyggingu þjóðfélagsins. Þau vandamál sem mannkyndi stendur frammi fyrir krefjast nýrra lausna, nýrrar nálgunar. Víða um heim hafa konur lagt fram nýjar, jákvæðar hugmyndir sem varða alla heimsbyggðina. Einnig er gert ráð fyrir að ræða viðhorf kvenna til valdsins.

Tilgangur ráðstefnunnar er einnig að vekja yngri kynslóðirnar, dætur og okkar og syni til vitundar um nauðsyn þess að standa vörð um þau réttindi sem áunnist hafa og sækja fram til nýrra sigra. Ennfremur er vonast til að með ráðstefnumi takist að kveikja endurnýjaða baráttuglóð með þeim konum sem lengi hafa starfað í kvennabaráttu og slá nýjan kröftugan og hvetjandi tón í þeim samræðum sem nú eru óhákvæmilegar milli kvenna og karla í leit okkar að betri heimi.

Fyrirhugað er að bjóða til fundarins

fyrst og fremst konum en einnig körlum sem hafa með hugmyndum sínum eða starfi lagt fram mikilvægan skerf til réttindabaráttu kvenna og nýrra viðhorfa á ýmsum sviðum þjóðlífssins t.d. í stjórmálum, félagsmálum, listum og vísindum. Áformað er að fjöldi ráðstefnugesta verði allt að 1000 en gera verður ráð fyrir hlutfallslega meiri þátttöku íslenskra kvenna en frá öðrum

þjóðum.

Fyrir hönd Kvennalistans hafa þær Guðrún Agnarsdóttir, Þórhildur Þorleifsdóttir, María Jóhanna Lárusdóttir, Guðný Guðbjörnsdóttir, Ragnhildur Eggertsdóttir og Kristín Árnadóttir mætt á fundi undirbúningshópsins. Ekki hefur endanlega verið gengið frá því hvort að ráðstefnan verði hér á næsta ári.

SJ

Landsfundurinn verður 2. - 4. nóvember í Eyjafirði

Áttundi landsfundur Kvennalistans verður haldinn helgina 2. - 4. nóvember nk. Það er ljóst að fundurinn verður í Eyjafirði en ekki er búið að ákveða endanlega hvar, nema að víst er að hann verður ekki á Akureyri. Það er því tímabært að merkja við á dagatalinu og taka frá helgina 2. - 4. nóvember fyrir landsfund Kvennalistans.

Það verður ýmislegt sem þarf að ræða á landsfundinum svo sem drög að stefnuskrá vegna Alþingiskosninganna og breyttar og nýjar baráttuaðferðir.

Það eru norðankonur sem sjá um undirbúning landsfundar að þessu sinni og voru þær Gunnhildur Bragadóttir (s.96-22065) og Sigurborg Daðadóttir (s.96-26327) á Akureyri valdar á síðasta landsfundi til að sjá um þetta verkefni. Vætanlega munu fleiri bætast í hópinn. Hugmyndir um umræðuefni eða annað sem viðkemur landsfundinum eru vel þegnar.